



Qiyaamaa mormitotaaf deebii Kenname-1

Description

Kutaalee darban keessatti Aakhiratti amanuun maal akka taâ€™ee fi maal akka of keessatti qabatu ilaalle turre. Aakhiratti amanuun gammachuu fi milkaaâ€™inna nama tokko kan murteessudha. Sababni isaas, Aakhiraan gahuumsa xumuraa namoota hundaati. Namni jireenya keessatti gahuumsa ofii yoo hin beekin, garam akka deemu hin beeku. Jireenya tana keessa maaliif akka jiraatu ni wallaala. Rabbiin subhaanahu wa taâ€™aalaa iddoo jireenyaa lama uumee. Tokkoffaan, iddoo jireenyaa gabaabdu taate fi qormaanni itti adeemsifamuudha. Iddoon jireenyaa gabaabdun tunis addunyaa tana. Lamaffaan immoo iddoo jireenyaa yeroo dheeraa turuu fi firiin qormaataa (jazaan) itti mulâ€™atuudha. Kanaafu, umriin iddoo jireenya gabaabdun tuni erga xumurame booda Guyyaan iddoon jireenyaa dheeraan itti jalqabamuu ni dhufa. Kunis Guyyaa Qiyaamaa taâ€™a. Guyyaa Qiyaamaa kana namoonni duâ€™an kaafamuun gara iddoo jireenyaa lammataatti oofamu.

Seenaa keessatti namoonni dhugaa kana kijibsiisan baayâ€™eedha. Namoonni erga duâ€™anii akkamitti kaafamu? Lafeen isaanii erga bututtee booda eenyutu isaan kaasaa jechuun shakkii ofitti naqu. In sha Allaah shakkii kana harâ€™a hanga dandeenyun qulqulleessuf ni carraaqna. Warroonni Qiyaamaatti amanuu didan yaadota armaan gadii hundee hin qabne irratti amantii isaanii ijaarun Qiyaamaa kijibsiisan. Yaadota isaanii deebii waliin haala armaan gaditiin ni ilaalla:

Yaada sobaa 1ffaa- Khaaliqni jalqaba namoota uume lamuu deebisuu hin dandaâ€™u • jechuun yaadu. Sababni guddaan yaada sobaa kana akka yaadan isaan taasise dandeetti Uumaa fi dandeetti uumamtoota wal qixxeessudha. Uumamtoonni wanta bade deebisuu hin dandaâ€™an jedhanii waan yaadaniif Uumaniis wanta bade deebisu hin dandaâ€™u jechuun yaadu. Yaada sobaa kana sammuu keessa kaaâ€™un namoonni lamuu hin kaafaman jedhanii mormu. Qurâ€™aanni yaada sobaa isaanii kanaaf karaa lamaan deebii kennaaf.

1ffaa- karaa wal madaalchisuu-Kana jechuun yeroo jalqabaatiif uumuu fi erga badee booda deebisu wal madaalchisu. Hundii keenya wanta duraan hin jirre uumuu irra wanta bade deebisuun akka salphatu ni beekna. Rabbiin subhaanahu wa taâ€™aalaa ilmaan namaa wanta duraan homaa hin turre irraa isaan uume. Jalqaba bishaan saalaa furrii fakkaatu irraa lafee, foon fi qaamolee adda addaa kan baase,

akkamitti biyyee erga taâ€™TManii booda isaan deebisuu dadhabaa? Qondaaltoota Makkaa keessaa gariin isaanii lafee shamte fiduun Ergamaa Rabbii (SAW) fuunduratti butuchan. Ergasii ni jedhan, â€œYaa Muhammad! Namni duâ€™TMee ni kaafama jetta. Mee nutti himi; lafee shamtee fi bututte tana eenyutu lamuu kaasa?â€• Ergasii Rabbiin subhaanahu wa taâ€™TMaalaa Aayata (keyyatoota) armaan gadi buuse:

﴿أَوَلَمْ يَرِ الْإِنْسَنُ أَنَّا خَلَقْنَاهُ مِنْ نُطْفَةٍ فَإِذَا هُوَ خَصِيمٌ مُبِينٌ﴾
 ﴿وَضَرَبَ لَنَا مَثَلًا وَنَسِيَ خَلْقَهُ قَالَ مَنْ يُحْيِ الْعِظَمَ وَهِيَ رَمِيمٌ﴾
 ﴿قُلْ يُحْيِيهَا الَّذِي أَنشَأَهَا أَوَّلَ مَرَّةٍ وَهُوَ بِكُلِّ خَلْقٍ عَلِيمٌ﴾

â€œSila namni akka Nuti bishaan saalaa irraa isa uumne hin arginee? Yeroma san inni mormaa ifa bahaa taâ€™TMee argama. Fakkeenya Nuuf godhee fi uumama isaa dagatee, â€œLafee erga bututtee [booda] eenyutu jiraachisa?â€• jedha. â€œKan yeroo jalqabaa ishii (lafee) uumetu jiraachisa.â€• Jedhiin. Inni uumama hundaa Beekaadha.â€• Suuratu Yaasin 36:78-79

Rabbiin subhaanahu wa taâ€™TMaalaa nama Qiyaamaa mormuu fi shakkuun akkana jechuun gaafata: â€œSila namni bishaan saalaa irraa akka isa uumne hin arginee?â€• Kana jechuun namni lamuu kaafamu mormu jalqaba maalirraa Rabbiin akka isa uume hin ilaalu? Bishaan saalaa dadhabaa qaama keessa facaâ€™TMee bakka tokkotti walitti fiduun isa uume. Bishaan kanarraa, lafee, foon, harka, ija, gurra fi qaamolee biroo akka uumee sila ilaalun lamuu deebifamutti hin amanuu? Bishaan dadhabaa qaama keessa facaâ€™TMee walitti fiduun kan isa uume, lafee bututtee dachii keessa facaates lamuu akka deebisu haa beeku.

â€œFakkeenya Nuuf godheeâ€• Kana jechuun akka uumamtootaa dandeetti kan hin qabnee fi dadhabaatti Nu ilaala. Akkuma namni duâ€™TMaa deebisuu hin dandeenye, â€œRabbiinis nama duâ€™TMee hin deebisuâ€• jedhee yaada. â€œuumama isaa dagatee, â€œLafee erga bututtee [booda] eenyutu jiraachisa?â€• jedha.â€• Kana jechuun jalqaba bishaan duâ€™TMaa lubbuu hin qabne irraa isa uumuu Keenya dagatee â€œlafee bututte eenyutu kaasa?â€• jedha.â€œKan yeroo jalqabaa ishii (lafee) uumetu jiraachisa.â€• Jedhiin.

Ilmi namaa akkuma jalqaba bishaan saalaa irraa nama uumuu hin dandeenye, lamuus nama kaasu hin dandaâ€™TMu. Rabbiin Guddaan Oltaâ€™TMee immoo akkuma jalqaba nama bishaan saalaa irraa uume, lamuus ni deebisa. Kanaafu, dandeettin Rabbii fi dandeettin namaa gonkumaa wal hin fakkaatan. Rabbiin wanta hundaa irratti Dandaâ€™TMaadha. Ilmi namaa immoo dadhabaadha. Rabbiin wanta hundaa beekaadha.

Karaa 2ffaaâ€œ Dandeetti Rabbii dachii fi samii keessatti mulâ€™TMatu beeksisuu- namni kaafama mormuu, â€œnama duâ€™TMee deebisuun jalqaba uumuu caalaa ni ulfaataâ€• jedhee yoo falme, Qurâ€™TMaanni ragaa uumamaa namaati fi kaafama caalaa guddaa taâ€™TMetti dabarsa. Innis, uumama samii fi dachiiti. Akkuma namni hunduu beeku, uumamni samii fi dachii uumama fi kaafama namaa

caala. Kan samii fi dachii garmalee gurguddatan kanniin uume akkamitti nama du'aa™e kaasu dadhabaa? Rabbiin ni jedha:

أَوَلَمْ يَرَوْا أَنَّ اللَّهَ الَّذِي خَلَقَ السَّمَوَاتِ وَالْأَرْضَ وَلَمْ يَعْزِ بِخَلْقِهِنَّ
بِقَدْرِ عَلَى أَنْ يُحْيِيَ الْمَوْتَىٰ بَلَىٰ إِنَّهُ عَلَىٰ كُلِّ شَيْءٍ قَدِيرٌ ﴿٣٣﴾

â€œRabbiin Kan samiiwwanii fi dachii uume, isaan uumuu keessatti Kan hin dadhabin du'aa™aa jiraachisuu irratti danda'aa™aa akka ta'aa™e hin arginee sila? Eeyyen! Dhugumatti Inni waan hundaa irratti Danda'aa™aadha.â€• suuratu Al-Ahqaaf 46:33

Rabbiin samii fi dachii garmalee guddatanii fi bal'aa™atan uume, ilmaan namaa lamuu deebisuun gonkumaa Isarratti hin ulfaatu. Sababni isaas, Inni waan hundaa irratti Danda'aa™aadha. Samii fi dachii uumuu keessatti homaa hin dadhabne. Namoota du'aa™an deebisuu keessattis wanti Isa dadhabsiisu tokkollee hin jiru.

Yaada sobaa 2ffaa- â€œNamni du'aa™e lafeen isaa bututtee dachii keessa baddi. Suuraa fi amalli isaa hundi ni bada. Kanaafu, Rabbiin nama lafeen isaa bututtee dachii keessatti badde akkamitti deebisaa?â€• Sababni guddaan yaada sobaa kana akka yaadan isaan taasissee, â€œRabbiin lakkoofsa namoota du'aa™anii, lafeen isaanii eessa akka dhaqxuu fi wanta xiqqaaf guddaa hunda hin beeku.â€• Jedhanii waan yaadaniifi. Rabbiin subhaanahu wa ta'aa™aalaa yaada isaanii kana haala kanaan ifa godha:

وَقَالُوا أَءِذَا ضَلَلْنَا فِي الْأَرْضِ أَإِنَّا لَفِي خَلْقٍ جَدِيدٍ بَلْ هُمْ بِلِقَاءِ رَبِّهِمْ
كَافِرُونَ ﴿١٠﴾

â€œNi jedhan, â€œSila yeroo [duunee] dachii keessa bannee, dhugumatti uumama haarawa keessatti [lamuu ni uumamnaa]? Dhugumatti, isaan qunnamti Gooftaa isaanitti kan kafaraniidha.â€• Suuratu As-Sajdah 32:10

Rabbiin subhaanahu wa ta'aa™aalaa wantoota hundaa akka beeku isaaniif mirkaneessa. Lakkoofsa namoota du'aa™anii, namoota dhalatanii fi wantoota samii fi dachii keessa jiru hunda takka takkaan beeka. Inuma, wanta nafseen isaanii isaanitti hasaastu fi wanta qalbii keessatti dhoksan hunda beeka. Lafee bututtee dachii keessa badde takka takkaan akka beeku akkana jechuun isaaniif ibsa:

قَدْ عَلِمْنَا مَا تَنْقُصُ الْأَرْضُ مِنْهُمْ وَعِندَنَا كِتَابٌ حَفِيزٌ ﴿٤﴾

â€œDhugumatti, waan dachiin isaan irraa hirâ€™iftu beeknee jirra. Galmee tiiksatu Nu bira jira .â€• Suuratu Qaaf 50:4

Kana jechuun lafee, foon, gogaa fi rifeensa isaanii irraa wanta dachiin nyaattu dhugumatti ni beekna. Eessatti qaamni isaanii akka bittinaaâ€™me fi lafeen isaanii bututte takka takkaan ni beekna. Dabalataan galmeen kuni hundi keessatti galmaaâ€™me Nu bira jira. (Ibn Kasiir 7/395)

قَالَ الَّذِينَ كَفَرُوا لَا تَأْتِينَا السَّاعَةُ قُلْ بَلَىٰ وَرَبِّي لَتَأْتِيَنَّكُمْ عَالِمِ الْغَيْبِ لَا يَعْزُبُ عَنْهُ
قَالَ ذَرَّةٌ فِي السَّمَوَاتِ وَلَا فِي الْأَرْضِ وَلَا أَصْغَرُ مِنْ ذَلِكَ وَلَا أَكْبَرُ إِلَّا فِي كِتَابٍ مُّبِينٍ ﴿٢٠﴾

Warri kafaran, â€œQiyaamaan nutti hin dhuftuâ€• jedhan. Jedhi,â€œAkka isin jettanii miti. Rabbii kiyyaan kakadhe, dhugumatti isinitti ni dhufti. [Rabbiin] Beekaa waan hin mulâ€™anneeti. Wanti hanga madaala atamii, wanti sana irra xiqqaa fi kan sana irra guddaas samii keessaa fi dachii keessatti Isa irraa kan hin miliqne taâ€™mee kitaaba ifa baasaa taâ€™me keessa jiraatu malee hin hafu.â€• Suuratu Saba 34:3

Rabbiin wanta nutti mulâ€™atuu fi hin mulâ€™anne, nuti beeknu fi hin beekne hunda ni beeka. Xiqqeenya irraa kan kaâ€™me, wanti hanga atamii ykn firii xaafii samii fi dachii keessatti Isarraa hin dhokatu. Lafeen hanga feete bututtee daaraa haa taatu, eessatti akka bittinoofte Rabbiin ni beeka. Kanaafu, Kan waan hundaa beeku fi Dandaâ€™aa taâ€™me nama duâ€™e kaasun Isarratti hin ulfaatu.

Wanta nafseen isaanii isaanitti hasaastu beekumsi Isaa akka marsee akkana jechuun Ibsa:

وَلَقَدْ خَلَقْنَا الْإِنْسَانَ وَنَعْلَمُ مَا تُوَسْوِسُ بِهِ نَفْسُهُ، وَنَحْنُ أَقْرَبُ إِلَيْهِ مِنْ
حَبْلِ الْوَرِيدِ ﴿١٦﴾

â€œDhugumatti, nama uumneerra. Waan lubbuun (nafseen) isaa itti hasaastus ni beekna. Nuti [beekumsa Keenyan] hidda dhiigaa caalaa gara isaatti dhiyoodha.â€• Suuratu Qaaf 50:16

Guduunfaa

âžœRabbiin subhaanahu wa taâ€™maalaa cophaa bishaan saalaa irraa ilmaan namaa uume. Bishaan laafaa kanarraa lafee, foon, harka, gurra, marâ€™imaa fi qaamoolee biroo uume. Rabbiin malee eenyutu bishaan saalaa kanarraa nama dhaabbatee lukaani deemu uumu dandaâ€™aa?

âžœRabbiin ilmaan namaa taphaaf waan hin uumnef iddoo jireenya lama isaaniif taasise. 1ffaa- iddoo jireenya gabaabdu namni itti qoramuudha. 2ffaa iddoo jireenyaa dheeraa namni firii qormaataa (jazaa wanta hojjataa turee) itti arguudha.

âžœNamni kaafama nama duâ€™mee shakkuu waa sadii ilaalu dandaâ€™ma:

1ffaa-Uumama isaa kan jalqabaa. Cophaa bishaanii dadhabaa irraa Rabbiin isa uume. Cophaa bishaanii irraa kan isa uume lamuu deebisuun akkamitti itti ulfaata? Yoo kunis isaaf liqimfamu dide, Nabii Aadam

(AS) biyyee irraa akka uumame haa yaadatu. Rabbiin akkuma Aadamin biyyee irraa uume ilmaan isaas biyyee erga taâ€™anii booda ni deebisa.

2ffaa-Dandeetti Rabbii samii fi dachii keessatti mulâ€™atu haa ilaalu. Samii fi dachii garmalee gurguddatanii fi balâ€™atan kanniin kan uume akkamitti nama duâ€™e kaasun itti ulfaataa?

3ffaa-Dandeetti fi Beekumsi Rabbii kan namootaa irraa garagara akka taâ€™e haa beeku. Rabbiin wanta hundaa irratti dandaâ€™aadha, wanta hundaa ni beeka. Namni immoo wanta hundaa irratti dandaâ€™aa miti, wanta hundaa hin beeku. Namoota jalqaba irraa hanga xumuraatti duâ€™an lafeen isaanii eessa akka dhaqxe Rabbiin takka takkaan beeka. Kanaafu, Guyyaa Qiyaamaa isaan kaasu irratti dandaâ€™aadha.

âž²Ilmi namaa akkuma jalqaba bishaan saalaa irraa nama uumuu hin dandeenye, lamuus nama kaasu hin dandaâ€™u. Rabbiin Guddaan Oltaâ€™e immoo akkuma jalqaba nama bishaan saalaa irraa uume, lamuus ni deebisa.

Kitaabban wabii:

[al-aqiidatul Islaamiyyatu wa usuusuhaa](#) By Abdurahmaan Hasan Madiniyyi, fuula 573-577

Tafsiir Ibn Kasiir 7/395

<https://furtusammu.wordpress.com/2018/04/15/who-is-your-lord-no-7/>

Date Created

December 1, 2018

Author

admin